

15 JUL 1996

DR MAHATHIR TIBA UNTUK LAWATAN KE REPUBLIK KYRGYZ

Oleh: Rachman Noordin

BISHKEK, 15 Julai (Bernama) -- Datuk Seri Dr Mahathir Mohamad dan Datin Seri Dr Siti Hasmah Mohd Ali tiba di sini hari ini untuk lawatan rasmi empat hari ke Republik Kyrgyz, yang pertama oleh seorang Perdana Menteri Malaysia.

Presiden Kyrgyz Askar Akayev dan Puan Akayev menyambut ketibaan Dr Mahathir dan Dr Siti Hasmah sebaik saja mereka turun dari pesawat Airbus 330 Penerbangan Malaysia yang mendarat di Lapangan Terbang Manas pada 5 petang waktu tempatan (7 malam waktu Malaysia).

Penerbangan dari Kuala Lumpur mengambil masa lapan jam.

Perdana Menteri Kyrgyz Apas Jumagulov dan Menteri Luar Puan Rosa Otunbayeva turut menyambut ketibaan Dr Mahathir dan rombongan.

Malam ini Dr Mahathir dan rombongan diraikan dalam jamuan rasmi oleh Presiden Akayev, yang melawat Malaysia pada Julai tahun lepas. -- BERNAMA

RN MAI